



Ulloq: 31. Juli 2024  
Allaffik: Nordatlantkontoret  
Suli. sulia: Simon Holmelund Lange  
Suliap normua: 2023-10673  
Takussutissiaq: 3339151

## EQIKKAANEQ

**Kalaallit Nunaanni eqqartuussisarnermik inatsisip, Kalaallit Nunaanni pinerluttulerinermi inatsisip, qularnaveeqquusiisarneq pillugu Kalaallit Nunaannut inatsisip aamma aappariinnerup inatsisitigut sunniuteqarnera pillugu inatsisip Kalaallit Nunaannut atuutilersinneqarsimasup allangortinneqarneri pillugit inatsimmut missingiutip (Eqqartuussivinnut 2024-imiit 27 ilanngullugu ukiunut arlalinnut isumaqatigiissutip ilaanik naammassinninneq)**

Eqqartuussiviit aningaasaqarnerannut isumaqatigiissummit suliniutit ilaasa Kalaallit Nunaannut tunngassuteqartut atortuulersinneqarnissaannut pisariaqartinneqartumik inatsisit allangortinneqarnissaasa naammassineqarnissaat siunertaralugu inatsisissatut siunnersuut suliarineqarpoq.

Nunatta Eqqartuussisuuneqarfiani sulisutigut isumalluutit amerlineqarnissaat inatsisissatut siunnersuutikkut *siullertut* aallarnerniarneqarpoq, taamaalilluni Nunatta Eqqartuussisuuneqarfiani nunap eqqartuussisuunera ataatsimiit nunap eqqartuussisuunerinut marlunnut qaffanneqassallutik. Nunap eqqartuussisuunerisa qullersaatta eqqartuussisarnermi suliassat ullumikkut nunap eqqartuussisuunerata ataaniittut, aamma suliami piviusumi aalajangiinernut tunngassuteqanngitsut suliarisassagai, tassunga atatillugu siunnersuutigineqarpoq.

Danmarkimi atuuttut, eqqartuussisup soraarningorsimasup atorfimmi piffissami erseqqinnerusumik aalajangerneqartumi eqqartuussisutut

sulinissamut aggersarneqarnissaanik periarfissap eqqunneqarnissaa *aappaattut* aallarnerniarneqarpoq.

Kalaallit Nunaanni toqqammavigisassat ilinniartinneqarnerannut, siunnersorneqarnerannut aamma atorfinitsinneqarnerannut tunngatillugu, toqqammavigisassanut ataqatigiissaarisumik inatsiseqarnermut ministeri toqqaasinnaasoq, *pingajuattut* aallarnerniarneqarpoq. Piginnaatinneqarnerup allamut, allaffissornermi qullersaqarlunilu allersaqarnerup avataaniittumut aamma inatsiseqarnermut ministerip sulisorinngisaanut suliakkiissutigineqarsinnaanera, aalajangersagassatut siunnersuutigineqartup periarfissaliissutigaa.

Kalaallit Nunaanni nalunaarsuinerмик suliaqarnerup (eqqartuussivikkoortumik nalunaarsuinerup) digitaliusumik ingerlanneqalernissaanut inatsisit pisariaqartinneqartumik allanngortinneqarnissaat *sisamaattut* aallarnerniarneqarpoq. Pisinnaatitaaffiit sorliit nalunaarsorneqarsinnaanersut, imaluunniit nalunaarsuinerup nalunaarsuisitsinnginnerulluunniit inatsisitigut sunniutaanni aallaaviatigut allannguisoqarnissaa siunnersuutigineqanngilaq.

Nalunaarsuinerмик suliaqarneq (eqqartuussivikkoortumik nalunaarsuineq) suli Nunatsinni Eqqartuussivimmit suliarineqassasoq, kisianni imaalillugu nalunaarsuineq digitaliusumik Tinglysningret-imit ikorfartorneqassasoq, aamma imaalillugu isumaqatigiinngissutit pillugit aalajangiisoqartussaatinagu, Nunatsinni Eqqartuussivimmi eqqartuussisut qullersaata Tingslysningret-imi sulisut nalunaarsuinissamik suliat suliarineqarnissaanik piginnatissinnaagai, eqqartuussivikkoortumik nalunaarsuisarnerup digitaliusumik ingerlanneqarnissaa pillugu siunnersuutip kinguneraa.

Kalaallit Nunaanni eqqartuussivikkoortumik nalunaarsuisarnermi suleriaaseq pillugu erseqqinnerusumik malittarisassat nalunaarutikkut inatsiseqarnermut ministerimit aalajangersarneqarnissaat aallarnerniarneqarpoq.

Naggataagut, taamaaliornissamut tekniskiusumik periarfissat Kalaallit Nunaanni eqqartuussivimmi pissarsiarineqarpata, siunissami inuit sakkutuujunngitsut pillugit suliani digitaliusumik attaveqatigiinnerup atornerqarsinnaaneranut inatsisissatut siunnersuutikkut periarfissaliissut

pilersinneqarpoq. Tekniskiusumik periarfissat taamaaliornissamut pissarsiarineqarpata, pinerluttulerinermik suliani digitaliusumik attaveqatigiinnerup atorneqarnissaanut eqqartuussisarnermik inatsit pisariaqartinneqartumik periarfissaliissummik imaqaeremat maluginiarneqassaaq.

Inatsisip ulloq 1. marts 2025 atuutilernissaa siunnersuutigineqarpoq. Taamaattoq inatsimmi § 1, nr. 5-p, § 3-p aamma § 4-p (aalajangersakkat taakku digitaliusumik eqqartuussivikkoortumik nalunaarsuineranut atassuteqarput) atuutilersinneqarnissaannut piffissamik inatsiseqarnermut ministeri aalajangersaasinnaavoq.